

Fundargerð 877. fundar

stjórnar Sambands íslenskra sveitarfélaga

Árið 2019, föstudaginn 13. desember kl. 12:00 kom stjórn Sambands íslenskra sveitarfélaga saman til fundar í Allsherjarbúð, Borgartúni 30 í Reykjavík.

Fundinn sátu: Aldís Hafsteinsdóttir, Dóra Björt Guðjónsdóttir, Hildur Björnsdóttir, Gunnar Einarsson, Guðmundur Ari Sigurjónsson, Daníel Jakobsson, Bjarni Jónsson, Kristján Þór Magnússon, Jón Björn Hákonarson og Ásgerður Kristín Gylfadóttir.

Að auki sátu fundinn Karl Björnsson framkvæmdastjóri og sviðsstjórnarnir Sigurður Ármann Snævarr og Guðjón Bragason, sem ritaði fundargerð.

Pórdís Lóa Þórhallsdóttir boðaði forföll, varamaður hennar Dóra Björt Guðjónsdóttir mætti í hennar stað. Rakel Óskarsdóttir boðaði forföll, varamaður hennar Daníel Jakobsson mætti í hennar stað. Eypór Laxdal Arnalds boðaði forföll, varamaður hans Hildur Björnsdóttir mætti í hans stað. Heiða Björg Hilmisdóttir boðaði forföll.

Fundargerðin var færð í tölvu.

Þetta var tekið fyrir:

1. Fundargerð 876. fundar - 1810033SA

Lögð fram til staðfestingar fundargerð 876. fundar stjórnar sambandsins frá 29. nóvember 2019.

Fundargerðin var staðfest og undirrituð.

2. Ályktun stjórnar um afleiðingar óveðurs í desember 2019 - 1912015SA

Samþykkt var að bæta inn á dagskrá fundarins umfjöllun um afleiðingar óveðurs sem gekk yfir landið í vikunni.

Stjórn Sambands íslenskra sveitarfélaga sendir stjórnendum sveitarfélaga og íbúum þeirra sem nú glíma við afleiðingar óveðursins kveðju, um leið og hún þakkar björgunaraðilum, starfsmönnum veitufyrirtækja og öðrum sem tekið hafa þátt í viðbrögðum við afleiðingum þess óveðurs sem dunið hefur á landinu undanfarna daga. Stjórnin hvetur ríkisstjórn Íslands, Alþingi, Landsnet og veitufyrirtæki til að gera allt sem í valdi þeirra stendur til að tryggja raforkuöryggi um allt land sem allra fyrst. Það er með öllu óásættanlegt að stór hluti íbúa landsbyggðarinnar búi við slíkt óöryggi sem raunin er. Stjórnvöldum ber skylda til að haga málum þannig að almanna- og öryggishagsmunir verði ávallt hafðir í fyrirrúmi við uppbyggingu og rekstur innviða sem eiga að tryggja öryggi og jafna búsetuskilyrði allra landsmanna.

3. Félagsþjónustunefnd sambandsins - 1810074SA

Lögð fram fundargerð 46. fundar félagsþjónustunefndar sambandsins frá 12. nóvember 2019.

Vegna máls 2 í fundargerðinni, um akstursþjónustu í rýmum og úrræðum skv. lögum um málefni aldraðra, samþykkir stjórnin að sambandið kanni hjá

sveitarfélögum fjölda beiðna sem berast vegna akstursþjónustu aldraðra einstaklinga á hjúkrunarheimilum til að meta umfang þessarar þjónustu.

Vegna máls 3 í fundargerðinni þar sem fjallað er um frumvarp til laga um breytingu á lögum um ávana- og fíkniefni? neyslurými, gerir stjórn sambandsins alvarlegar athugasemdir við að ekki hafi verið brugðist við rökstuddum athugasemdum sveitarfélaga og sambandsins á fyrri stigum málsins. Það er óásættanlegt að verkefni sem er að uppistöðu til heilbrigðisþjónusta, flytji án undirbúnings til sveitarfélaga. Af þessum ástæðum telur stjórn sambandsins verkefnið ótímabært, en áréttar vilja sveitarfélaga að samþætta þjónustu í þágu notenda. Gera þarf þjónustusamning um þessa heilbrigðisþjónustu og fjármögnun hennar, enda er hún ekki á ábyrgð sveitarfélaga.

Jón Björn Hákonarson mætti til fundar kl. 12.45.

4. Árangursmat starfsáætlunar sambandsins 2019 og starfsáætlun sambandsins 2020 - 1910047SA

Lagt fram mat á árangri á starfsáætlun fyrir árið 2019 og drög að starfsáætlun fyrir árið 2020.

Stjórnin þakkar fyrir greinargott mat á árangri og framfylgd starfsáætlunar ársins 2019 og telur að vel hafi tekist til við vinnu á grundvelli hennar. Jafnframt samþykkir stjórnin fyrirbyggjandi drög sem starfsáætlun ársins 2020, að teknu tilliti til ábendinga sem fram komu á fundinum.

5. Staða kjaramála - yfirlit dómsmála - 1905033SA

Lagt fram minnisblað sviðsstjóra kjarasviðs sambandsins, dags. 10. desember 2019, um stöðu kjaramála í desember 2019 - yfirlit um dómsmál.

6. Jafnlaunavottun Sambands Íslenskra sveitarfélaga - 1906009SA

Lagt fram til kynningar minnisblað sviðsstjóra rekstrar- og útgáfusviðs sambandsins, dags. 21. nóvember 2019, um jafnlaunavottun Sambands Íslenskra sveitarfélaga.

Stjórn sambandsins lýsir yfir ánægju með undirbúning og framkvæmd jafnlaunavottunar, þar sem m.a. kemur fram í launagreiningu að án nokkurra sérstakra ráðstafana í ferlinu reyndist launamunur kynja hjá sambandinu vart mælanlegur eða rétt við 0%.

7. Viðmiðunarreglur um framlög sveitarfélaga til stjórnmalasamtaka - 1910025SA

Tekið fyrir að nýju, minnisblað sviðsstjóra hag- og upplýsingasviðs sambandsins, dag. 10. desember 2019, um viðmiðunarreglur um framlög til stjórnmalasamtaka sbr. 2. mgr. 5. gr. laga nr. 162/2006 - framhald, áður á dagskrá stjórnar sambandsins 29. nóvember 2019, en þá var ákveðið að fresta málinu til næsta fundar.

Stjórn sambandsins þakkar fyrir fyrirbyggjandi upplýsingar. Stjórnin samþykkir fyrirbyggjandi tillögu að viðmiðunarreglum um framlög til stjórnmalasamtaka, með þeirri breytingu að viðmiðunarfjárhæð verði 175 kr. á íbúa.

8. Tillaga að fulltrúum í stjórn Innheimtustofnunar sveitarfélaga - 1811042SA

Lagt fram bréf Innheimtustofnunar sveitarfélaga, dags. 3. október 2019, þar sem óskað er eftir tilnefningu í stjórn Innheimtustofnunar sveitarfélaga. Einnig lagt fram minnisblað formanns stjórnar og framkvæmdastjóra sambandsins, dags. 10. desember 2019, um tillögu að fulltrúum í stjórn Innheimtustofnunar sveitarfélaga.

Samþykkt að Adolf H. Berndsen, fyrrv. sveitarstjórnarmaður á Skagaströnd, og Díana Hilmarisdóttir, bæjarfulltrúi í Reykjanesbæ, verði aðalmenn. Jafnframt samþykkt að varamaður Adolfs verði Jón Páll Hreinsson, bæjarstjóri Bolungarvíkurkaupstaðar, og varamaður Díönu verði Guðný Birna Guðmundsdóttir, bæjarfulltrúi í Reykjanesbæ. Skoðunarmenn verða Jóhannes Jóhannesson, sérfræðingur á hag- og upplýsingasviði sambandsins, og Helga Kristjánsdóttir, skrifstofustjóri fjármála- og stjórnáslusviðs Hveragerðisbæjar.

9. Viðbrögð við minnisblaði sem unnið var fyrir Grýtubakkahrepp - 1910031SA

Lagt fram minnisblað lögfræði- og velferðarsviðs sambandsins, dags. 9. desember 2019, um viðbrögð við minnisblaði, dags. 6. desember 2019, sem unnið var fyrir Grýtubakkahrepp.

Stjórn sambandsins lýsir yfir ánægju með nefndarálitid og væntir þess að þingsályktunin verði samþykkt fyrir þinghlé.

10. Niðurstöður PISA 2018 - 1802070SA

Lagt fram minnisblað skólamálafulltrúa á lögfræði- og velferðarsviði sambandsins, dags. 6. desember 2019, um niðurstöður PISA 2018, ásamt PISA skýrslunni og glærum frá kynningarfundum fyrir fjölmiðla um málið, dags. 3. desember 2019. Lilja Alfreðsdóttir, mennta- og menningarmálaráðherra mætir hugsanlega á fundinn undir þessum lið.

Samþykkt að unnið verði áfram að þróun þeirra tillagna sem fram koma í minnisblaðinu, með hliðsjón af þeim ábendingum sem fram komu í umræðum um málið í fræðslumálanefnd sambandsins og í stjórn þess. Stjórnin mun taka málið til umfjöllunar að nýju á næsta fundi. Jafnframt verði teknar upp viðræður við mennta- og menningarmálaráðherra um mögulegar úrbætur.

11. Staða þingmála við lok haustþings 2019 - 1909020SA

Lagt fram minnisblað lögfræði- og velferðarsviðs sambandsins, dags. 9. desember 2019, um stöðu þingmála við lok haustþings 2019. Sviðsstjóri lögfræði- og velferðarsviðs gerði grein fyrir minnisblaðinu og sérstaklega stöðu frumvarps um breytingar á lögum um tekjustofna sveitarfélaga (jöfnunarsjóður).

12. Yfirfærsla þjóðvega til sveitarfélaga og niðurfelling vega af vegaskrá - 1712014SA

Lagt fram bréf sambandsins til Sigurðar Inga Jóhannssonar, samgöngu- og sveitarstjórnarráðherra, dags. 5. desember 2019, um yfirfærslu þjóðvega til sveitarfélaga og niðurfellingu vega af vegaskrá, ásamt fylgiskjali.

Einnig lagt fram frumvarp frá umhverfis- og samgöngunefnd Alþingis um breytingu á bráðabirgðaákvæði við vegalög nr. 80/2007 sem felur í sér að fyrir árslok 2020 verði búið að ganga frá samningum um skilavegi í stað ársloka 2019 eins og nógildandi lög gera ráð fyrir.

Framkvæmdastjóri greindi frá því að til stæði að samþykkja frumvarpið fyrir þinghlé, en það byggir á þeirri forsendu að samgöngu- og sveitarstjórnarráðuneytið, Vegagerðin, sambandið og SSH, skrifi undir sameiginlega yfirlýsingu um málið fyrir árslok. Samningaviðræður standa yfir um efni og orðalag þeirrar yfirlýsingar og verður höfð hliðsjón af áherslum sem fram komu í umræðu um málið við endanlegan frágang yfirlýsingarinnar.

13. Umsögn um frumvarp til laga um menntasjóð námsmanna - 1911078SA

Lögð fram til kynningar umsögn sambandsins til allsherjar- og menntamálanefndar Alþingis, dags. 29. nóvember 2019, um frumvarp til laga um menntasjóð námsmanna, 329. mál.

Stjórn sambandsins tekur undir umsögnina og leggur áherslu á að tekið verði tillit til þeirra ábendinga sem þar koma fram.

14. Umsögn um frumvarp til laga um almannatryggingar almennar íbúðir - 1911097SA

Lögð fram til kynningar umsögn sambandsins til velferðarnefndar Alþingis, dags. 4. desember 2019, um frumvarp til laga um almannatryggingar almennar íbúðir (hækkun tekju- og eignamarka leigjenda, sérstakt byggðaframlag, veðsetningu), 320. mál.

15. Umsögn um frumvarp til laga um Húsnæðis- og mannvirkjastofnun - 1911096SA

Lögð fram til kynningar umsögn sambandsins til velferðarnefndar Alþingis, dags. 2. desember 2019, um frumvarp til laga um Húsnæðis- og mannvirkjastofnun, 319. mál.

16. Umsögn um frumvarp um breytingu á lögum um tekjustofna sveitarfélaga og sveitarstjórnarlögum - 1909030SA

Lögð fram til kynningar umsögn sambandsins til samgöngu- og sveitarstjórnarráðuneytisins, dags. 4. desember 2019, um frumvarp um breytingu á lögum um tekjustofna sveitarfélaga og sveitarstjórnarlögum, 391. mál.

17. Umsögn um frumvarp til laga um breytingu á lögum um fæðingar- og foreldraorlof, nr. 95/2000, með síðari breytingum - lenging fæðingarorlofs - 1911105SA

Lögð fram til kynningar umsögn sambandsins til velferðarnefndar Alþingis, dags. 5. desember 2019, um frumvarp til laga um breytingu á lögum um fæðingar- og foreldraorlof, nr. 95/2000, með síðari breytingum (lenging fæðingarorlofs), 393. mál.

18. Umsögn um frumvarp til laga um breytingu á ýmsum lögum um skatta - vistvæn ökutæki o.fl. - 1912004SA

Lögð fram til kynningar umsögn sambandsins til efnahags- og viðskiptanefndar Alþingis, dags. 5. desember 2019, um frumvarp til laga um breytingu á ýmsum lögum um skatta (vistvæn ökutæki o.fl.), 432. mál.

19. Ályktanir haustþings Fjórðungssambands Vestfirðinga - 1902044SA

Lagðar fram til kynningar ályktanir frá haustþingi Fjórðungssambands Vestfirðinga sem haldið var 25. og 26. október 2019.

Fundi var slitið kl. 14:30

Aldís Hafsteinsdóttir

Dóra Björt Guðjónsdóttir

Hildur Björnsdóttir

Gunnar Einarsson

Guðmundur Ari Sigurjónsson

Daníel Jakobsson

Bjarni Jónsson

Kristján Þór Magnússon

Jón Björn Hákonarson

Ásgerður Kristín Gylfadóttir

framkvæmdastjóri

ritari